

嘉慶瓜洲志卷四

寺觀 祠祀 書院 善堂附

龜山寺 卽玉皇閣一名彤雲閣 宋高宗紀乙

未金人陷泰州是日金人弑其主亮於揚州龜

山寺蹇駒采石斃亮記諸酋兼殺侍寢妃花不

如等五人府志乾隆四十二年國子王漢標重

建按新府志古蹟祠廟凡三

國朝魏嘉琬詩秋天空一碧傑閣俯危川落日猶懸樹

孤茅不蔽烟聞鐘疑上界捫柏記長年更有澄

江外漁舟吹簫還 鄭辰詩北固層巒鎮潤州金焦對峙 却灰興起

嘉慶瓜洲志

卷四 寺觀

于氏凝暉堂重印 中華書局承印

總難論傑閣巍然此日存我欲 憑高馳遠目紅雲深處看朝暎

陳文富詩彤雲高閣足清娛有客同登日已晡 東下江流開大海南來山色俯全吳林端早覩

飛蕩聳天際應嗟畫檻孤為憶 消憂荆士客當年軒敞得如無

季耀南詩高閣枕寒流烟雲一望收江關天設 險名勝客淹留落日孤帆遠西風翠黛愁海門

波浪闊來 往羨輕鷗

繆鑣詩凌空高閣日初沈天際微茫起夕陰幾 點征帆歸海盡一行秋雁入雲深異時登眺誰

先後如西山林無古今我欲懷 人人已遠西風蕭瑟冷孤琴

女史王瓊詩高閣倚斜曛登臨望眼分窗飛瓜 步雨簾捲蒜山雲帆影隔林見濤聲拍岸聞追

思遺澤遠清 淚落紛紛

釋自成彤雲閣追憶王鐵甫先生詩窗俯大江 秋西津入檻流山光來蒜嶺樹色 瓜洲百戰

人何在 臨風懷子晉 應乘鶴來遊 千年閣尚留

開福寺 在揚子橋宋理宗淳祐八年大士殿基

產芝三莖

揚子寺 在揚子橋見宋蘇頌聲隅先生祠堂記

江門寺 在頭壩今改寶安寺鎮人張怡重建

化城寺 在江口舊名息浪庵邑人卞維賢建康

熙四十二年

敕改化城寺

國朝張玉書息浪庵夜坐別叔敦讓木諸子詩短棹攜樽觸浪過將離莫問夜如何最憐帆遠浮天闊  
始信江空得月多隱隱鐘聲千佛唱星星岸火一漁蓑荒雞促曙行人去回首雙峯護薜蘿

嘉慶瓜洲志

卷四 寺觀

二

劉梁嵩詩江自岷峨奔誰許息其怒却憾岳陽樓不驚老僧座

棘林寺 在新壩宋咸淳間建今改火星廟

嵩山寺 在泗橋下宋端平間僧智觀建明洪武

間僧道林重建宣德僧永鎮修

國朝乾隆五十七年僧朗月重修

太平寺 府志在揚子橋唐貞觀間建明嘉靖間

僧圓早修

國朝乾隆十三年國子卞鳴玉鳴灝等重建按寺在深港以為在

揚子橋誤

國朝王豫訪蓮溪上人詩古剎臨沙渚疎林傍釣磯晴嵐當檻落江鳥入簾飛極目波無盡談經願不

違松寥烟樹夕  
與爾醉志歸

天王教寺 在揚子橋西唐貞觀間僧淮海建洪

武四年僧普富重建景泰二年僧定海修

西方禪寺 府志寺有二一在府西四望亭一在

瓜洲十四坊久圯明嘉靖間僧智完建

高旻寺 府志在三汊河西岸有塔名天中

國朝康熙四十年兩淮商人於寺內建行宮

翠華屢幸龍象增輝

寶翰奎章千齡永鎮詳見

宸翰

嘉慶瓜洲志

卷四

寺觀

三

行宮 在寺旁初爲垂花門內建前中後三殿後照房

左宮門前爲茶膳房又前爲左朝房門內爲垂

花門西祀房正殿後照房右宮門入書房西套

房橋亭戲台看戲廳前爲閘口亭旁廊房入歇

山樓樓外爲右朝房廳後石版房箭亭萬字亭

臥碑亭郡中

行宮以塔灣爲先係康熙舊制

今上南巡先駐是地次日方入城至平山堂

御製詩有紆棹平山路句註云自高旻行宮策馬度郡

至天寧行宮易湖船歸亦仍之以馬便於船且

百姓得以近光謂此蓋丁丑以前皆駐蹕是地天寧寺僅一過而已

李斗揚州畫舫錄云高旻寺在寶塔灣因寺之天塔中得名也

聖祖南巡賜名茱萸灣建塔灣行宮

御製詩有名灣真不愧是也寺大門臨河右折大殿五

楹後殿左右建

御碑亭中爲金佛殿康熙

間撤

內供金佛遣學士高士奇內務府丁阜保賈送寺中故建是殿爲郡城八大刹之一

嘉慶瓜洲志

卷四

寺觀

四

永慶寺 在東岳廟內

城隍廟 瓜洲舊有廟在通惠門僻隅狹隘僅容

足明萬厯間鎮人魏榆一作魏浙改卜於泗橋東儲

漕公署之後填巨池平之糜萬四千二百金有

奇立新廟焉嚴麗巍煥厯百餘年禋祀特盛乾

隆七年榆裔孫嘉瑛重修

江海潮神祠

東嶽廟 在東門內

關帝廟 在東門城上近水關有三一在北門城

樓今移建門闌一在由閘西北一在東水關北

國初海賊至瓜洲帝陰助戰敗賊有馬迹靴迹二石宛然尚在

都天廟 相傳元至大初楚人李惠先生得其師

真牧公之學由潯陽東游至儀徵憐民病疫以

神符秘瀝飲之立效儀揚間奉以為神歿葬儀

之新城後人即其墓所立廟祀之故揚屬亦崇

奉焉而鎮江所祀者或以為睢陽張中丞其廟

亦名都天莫曉其義愚謂大抵皆司疫之神二

說恐皆為土人臆見按周禮歲有天惠民病則司救之官廟蓋本其遺意

耳云

嘉慶瓜洲志

卷四

寺觀

五

旌忠廟 在瓜洲祀宋死節臣魏俊王方

佛狸祠 元王惲秋澗集詩註在瓜洲城按南史宋文帝

紀元嘉二十七年十二月魏太帝率大衆至瓜

步聲欲渡江次年春三月退歸佛狸者太武小

名也宋辛棄疾詞有佛狸祠下一片神鴉社鼓

之句太武所駐乃六合之瓜步山非瓜洲也沿

譌已久附辨之

宋陳造詩佛狸歲未卯志欲吞宇縣當年江飲

馬腥血浸淮甸無人飯耕牛有井巢歸燕至今

閱遺史為汝空飲恨緬想瓜步留殺氣纏吳分

云何此山椒遺像儼高殿無乃甘事仇吳俗味

所見或復綿歷久後嗣忘敵怨冥漠彼有識福

躅長呼死白刃胡不尸祝之香火均遠近豈但

祈神休抑使頑懦奮誰令決從違引手適我願

〔注〕

勝侯淮立薛死候慶魏侯

南觀音寺 在倒流港西

普照寺 在朱銘港西南

古觀音寺 在黃港北

釋達瑛高旻寺同王夢樓太守看菊詩何必東籬採山房菊已開無端詩思發有約故人來冷艷依黃葉幽香上綠苔白頭憐晚節勤護曉霜催

延壽庵 在南門街

白衣庵 在北門外申文定時行書額

總持庵 在北門外詩僧行宏居之

慧照庵 在城內

國朝釋秉正九日過慧照庵詩精藍在城外幽轍入林泉草木知秋晚苔青是雨前雲生窗外樹霞印

嘉慶瓜洲志

卷四

寺觀

六

水中天縱目有如此還應放釣船

萬緣庵 在北門外僧見省募建今為普濟堂

問水庵 無攷熊慧敏有詩相傳在西門外臨江

今圯於水

敕書靈貺額嘉慶十九年總漕阮元奏請重修奉

敕書恬波利涉額

楊公廟 在小南門外相傳即楊副使也

晏公廟 在鐵貓巷內

風神廟 在大口

佛龍庵 在邗陽鎮因佛感草龍兩洲居人王元

臣葛其斌倡率公建故名

從容庵 在小南門外面臨大江與金山相對沙

岸植柳千株風景最勝舊有老僧無垢居之

國朝魏

嘉琬詩支老何錢開山門開日日足烟鬟窗

明松火吹茶沸岸響江潮打石還著雪離披鷗

影白當風翦拂蓼花斑南禪久普清鐘韻首肯

靈巖一破頑三山圖卷入屏鐫展榻山光閣

聞思庵 詩僧宗知居之築竹溪山房為吟嘯處

國朝釋

秉正訪竹溪上人詩梵園秋色老相見慰閒心

客影迴斜日烟光淡遠林樹疎霜葉冷花重晚

嘉慶瓜洲志

卷四

寺觀

七

妙信過竹溪山房夜話詩一杖老風塵君情愈

見真客當今日苦囊較去年貧山色迎青眼林

青蓮庵 在由閘詩僧秉正居之

寶華庵 在施家橋南庵內有卞氏宗祠地甚幽

邃卞氏子孫斂射讀法其中有古桂兩株乃前

代物

淨土庵 明禪僧信襄住持文震孟旌以匾額

彌陀庵 律祖寂光薙髮處

華巖庵

太平庵

地藏庵

江水祠 陸志在瓜洲鎮歲以八月十八日致祭

明景泰六年知府王恕修大學士高穀有記成  
化十年知府楊成重修尚書王恕有記按漢書地理志

云在江都縣蓋漢宣帝詔祀江處郊祀志昭帝以四時祠江海維水為天下祈豐年自是五嶽四瀆皆有常禮江於江都皆使者持節往祠惟泰山與河歲五祠江水四餘皆一禱而三祠焉耳水經注云江都縣有江水祠俗謂之伍相廟子胥但配食耳歲三祭與五嶽同舊江水道也太平寰宇記云歲三祀之伍員為配阮昇之南袁州記其神即江都王或易王嘉靖志云江水祠在江都或謂為瓜洲江海神祠者非

報本庵 在花園港詩僧輔誠居之汪健堂別業

嘉慶瓜洲志

卷四 寺觀

也祀宋文天祥明吏部郎郡人王納大學士史可法

郡丞張公祠 詳熊偉男詩註

三烈女祠 明嘉靖六年巡按御史王鼎江都縣

知縣劉良卿以嵩山寺隙地建祠祀宋烈婦趙

淮妾明烈女殷氏周氏從趙副使鶴之請也今

廢趙淮妾事實見前

龍祠 在瓜洲鎮八港屯船塢祠面金山土人謂

之龍祠

張蘊詩如此江濤更有人佛狸竟死不能兵幅巾短棹鷗前夢未省當時有此城元王暉詩長連野戍佛狸祠古慘荒烟柁樓看取瓜步市



平吳日父老空傳飲馬年此日  
不須開濁浪好風都屬往來船

蕭梁公主祠 在九坊城上鎮人病目禱之即愈

俗呼眼香廟

國朝魏

嘉琬詩六代珠宮闕蕭梁貴主遺芙蓉入江暈  
環珮有秋思祠屋新粧在香簾舊篆吹何勞問  
張湛空得眼方奇

三忠祠 在嵩山寺內明嘉靖間知縣劉良卿建

祀宋左軍統制魏俊後軍統制王方副將趙淮

今廢

金山龍王廟

按祠未知始於何代明嘉靖癸卯署揚州府事王某重修唐順之為之記

聳隅先生祠 在揚子橋宋江都知縣羅適建祀

寓賢黃晞蘇頌為之記

怡賢親王祠 在三汊河茱萸灣雍正八年奉

旨建乾隆十六年

高廟南廵改大殿祀關帝以賢王祔二十二年

御書匾額

文昌宮 在玉皇閣

斗姥宮 在玉皇閣

元真觀 在便益門內相傳洲舊多火災宋咸淳

間道士秋巖建

五賢書院 詳五賢祠

文明書院 詳文明橋

邗陽書院 在同善堂北洲之耆民張文悌陳文忠朱錡蔣堂倡率同建收教貧家子弟汪撫軍志伊以所著節韻幼儀九容廣註頒發書院令諸生卜萃文王豫序而刻之以示啓迪阮宮保元撫浙時聞之書額以贈

齋生館 國初張 建濟貧之所

體仁局 在北灘萬佛庵側乾隆十八年里人仿懷寧縣式捐辦久廢其詳不可考

義學 嘉慶十九年巡司金開泰偕鎮人倡設於

寶安寺內教貧家子弟丹徒徐元佐有序

織惠堂 鎮人周復元等施棺之所

厲壇 昔在四里鋪每歲清明中元孟冬朔奉城隍神於是祀無祀之鬼今移普濟堂右